

სამყაროს მშენიერების რენესანსული გააზრება „ვეფხისტყაოსანში“

რუსთველოლოგიურ სამეცნიერო ლიტერატურაში სამგვარი თვალსაზრისია გამოთქმული რუსთაველის შუასაუკუნეობრივი და რენესანსული აზროვნების რაობის შესახებ:

1. მეცნიერ-მკვლევართა ნაწილი „ვეფხისტყაოსანს“ მიიჩნევს შუასაუკუნეობრივი ესთეტიკური პრინციპების გამოხატულებად;
2. ნაწილს იგი რენესანსულ ნაწარმოებად მიაჩნია;
3. ხოლო ნაწილი მასში ერთდროულად ხედავს შუასაუკუნეობრივსა და რენესანსულს. ამჯერად ჩვენი მიზანია არაა ამ შეხედულებათა განხილვა-გაანალიზება და ჩვენი დამოკიდებულების გამოხატვა თითოეულისადმი, ჩვენ კონკრეტული მიზანდასახულობა გვაქვს, ესაა სამყაროს მშენიერების რენესანსული გააზრების ჩვენეული კონცეფციის წარმოჩენა „ვეფხისტყაოსანში“.

ორიოდე სიგყვით რენესანსის არსებით ნიშანთა შესახებ: რენესანსს ახასიათებს გრანდიოზულობა, ზესთასოფელი და სოფელი პარმონიზებულია, ცხოვრების წესი გაესთეტიურებულია, ეთიკურობა გამშენიერებულია; ანტიკური და ძველ-აღმოსაელური სიბრძნე ქრისტიანიზებულია და ქრისტიანული აზროვნება გაესთეტიურებულია; სულიერად და ხორციელად სრულქმნილი, პარმონიული ადამიანი პიროვნებაა, ინდივიდია, რამაც ახალი ცენტრისგული კონცეფცია ჩამოაყალიბა – თეოცენტრიზმთან ანთროპოცენტრიზმის შერწყმა. ანტიკურობის აღორძინება, ჰუმანისტური სულიკეთების დამკვიდრება, სამყაროს მოვლენათა კოლოსალური აღმოჩენები, ასტროლოგიის აღზევება, ბედის კონცეფციის მოდერნიზებული აღორძინება, სამყაროს შემადგენელ ნაწილთა პოლიფონიურობა, ადამიანის სწრაფვა პიროვნული თვითშემეცნებისაკენ, ამაღლებულისა და სილამაზის შერწყმა, – ეს ყველაფერი რენესანსული კულტურის საფუძველთა საფუძველია, მაგრამ ყოველმხრივი დახასიათებისა და მისი თვისებების სრულყოფილი განსაზღვრისათვის მაინც არაა საკმარისი. რენესანსმა ანტიკურობიდან და ქრისტიანული ხელოვნებიდან ის საუკეთესო ნიშნები აიღო და შეირწყა, რომლებიც მის თანამედროვე ეპოქას ეხმიანებოდა. რენე

სანსი ბევრ სიახლეს ამკვიდრებს, ადამიანსა და სამყაროს, წინარე ხანის კულტურისაგან განსხვავებით, ახალი კუთხით წარმოაჩენს.¹

ცნობილია, რომ რენესანსი გრადიციებს არ უარყოფს, პირიქით, იგი ითავსებს წინარე განსხვავებული ეპოქების კულტურულ მონა-პოვრებსა და გრადიციებს, ქრისტიანობამ ანტიკური კულტურა უარყო, თითქმის მთელი ათასწლეული მოგჯერ გამოჩინებულად, მოგჯერ უჩინრად ებრძოდა მას; თავის მხრივ, ქრისტიანობას ბრძოლა უბ-დებოდა დამკვიდრებისათვის, მის ლეგალიზაციას სამი საუკუნე დას-ჭირდა (313 წელი – მილანის ედიქტი, 312 წელი – ნიკეის I მსოფლიო საეკლესიო კრება). XI საუკუნეში ბიზანტიაში დაიწყო ანტიკურობის ქრისტიანიზება, ვინაიდან შუასაუკუნეობრივი ესოეტიკური პრინციპები სილამამის, მშვენიერების სრულყოფილად გააზრებისა და წარმოჩე-ნისათვის საკმარისი არ აღმოჩნდა. ამიგომ გახდა საჭირო ანტიკური და ქრისტიანული მსოფლმხედველობის, საღეთო და გარეშე სიბრძნის მორიგება, რასაც ბიზანტიურ სამყაროში მიქაელ ფსელოსისა და იოანე იგალოსის შრომებმა ჩაუყარეს საფუძველი. განხორციელდა. მაგრამ რელიგიურმა ომებმა და, სხვა მიზეზებთან ერთად, ამით გამოწვეულმა სახელმწიფოებრივ-პოლიტიკურმა კრიზისმა ბიზანტიის იმპერიაში გაე-ლენა მოახდინეს კულტურის განვითარებაზეც, რამაც შეაფერხა და შე-ანელა, შეიძლება ითქვას, შეწყვიტა რენესანსული აზროვნების აღმასე-ლა. რენესანსული აზროვნების განვითარების ხელსაყრელი პირობები შეიქმნა ბიზანტიის იმპერიის აღმოსავლეთით მდებარე განაპირა ქვე-ყანაში, იოანე საბანისძის სიგყვით, „ყურესა ქუეყანისასა“ – საქართვე-ლოში და XII საუკუნის დამლევს, XIII საუკუნის დამლევს შოთა რუსთველის სახით გაიბრწყინა.

„ეფესისტყაოსანში“ ღმერთის მიერ შექმნილი სამყარო მშვენიე-რია, ვინაიდან იგი სრულყოფილია, იგი მთელი თავისი მრავალფე-როვნებით უსასრულოა, მარადიულია, დიაღია, ამაღლებულია, ხოლო „უთვალავი ფერით“ შემკული, ლამაზი და მშვენიერი სამყაროს გვირ-გვინი ადამიანია. შემოქმედი და შექმნილი მშვენიერია, ვინაიდან შექმნილი ვერ იქნება, თუ თავად შემოქმედს მშვენიერების ქმნალობის უნარი და მისი ღრმა შეგრძნება არა აქვს. სამყარო მოძრავია, ცვალებადია, განახლებადია, სხვაგვარად იგი მრავალფეროვნებას მო-აკლდებოდა. სამყაროს შექმნისა და მისი იერარქიულობის ღვთაებ-

¹ რენესანსის შესახებ ქართულ ლიტერატურაში იხ. ი. შ. ნუცუნიძე, *Руставели и восточный Ренессанс*, Тб. 1947. აღ. ბარამიძე, *ნარკვევები ქართული ლიტერატურის ისტორიიდან*. VIII, თბ., 1985. აღ. ბარამიძე, *შოთა რუსთველი*. თბ., 1975. Н.И. Кошпа, *Запад и Восток: Статьи*. М., 1972. А.Ф. Лосен. *Эстетика Византизма*. М., 1998 (II გამოც.). რ. სირაძე, *ალოსევი და ქართული რენესანსის პრობლემები*. „ეისკარი“, 1982, № 7, ელ. ხინთიბიძე, *შუასაუკუნეობრივი და რენესანსული „ეფესისტყაოსანში“*, თბ., 1993.

რივი ჩანაფიქრი მოწესრიგებულია, სისტემურია, ამასთან, მარადიული და უწყვეტია, „უკამო ეამია“, რაც აბსოლუტური სრულქმნილების საფუძველს ქმნის. სამყაროს ყოველი ნაწილი, ყოველი ელემენტი პარმონიულად უკავშირდება მთელს, რაც სისრულეს, ამაღლებულობას, მშვენიერებას წარმოშობს. „ვეფხისტყაოსნით“: „იგი გაჰხდის წამისყოფით ერთსა ასად, ასსა ერთად“ (794)².

სამყაროს, როგორც მთელის, ისე მისი შემადგენელი ნაწილების, ელემენტების მარადმედინობა შოთა რუსთველის „ვეფხისტყაოსანში“ ვარდის სიმბოლიკით აისახა და გადმოიყა:

„რა ვარდმან მისი ყვაილი გაახმოს, დაამჟნაროსა,
იგი წახლებს, სხვა მოვა გურფასა საბაღნაროსა (36).

პოეტის ეს სიტყვები სამყაროს სისრულისა და განახლებისაკენ მარადიულ სწრაფვას მოწმობს, რათა მან ღმერთისაგან მინიჭებული მშვენიერება შეინარჩუნოს. მშვენიერება მის განახლებაშია, ხოლო სამყაროს განახლებისათვის მცდელობა და სიახლისაკენ სწრაფვა ახალი ცხოვრებაა, რაც რენესანსულ ესთეტიკურ ცნობიერებას აყალიბებს.

შოთა რუსთველის სამყარო დროსივცულად ხილულსა და უხილავ სამყაროს, სოფელსა და ზესთასოფელს, ეამიერსა და უკამოს მოიყავს; იგი, „უთვალავი ფერით“ შემკული, ლამაზი და მშვენიერია, ადამიანისთვისაა შექმნილი:

რომელმან შექმნა სამყარო ძალითა მით ძლიერითა,
ზეგარდმო არსნი სულითა ყვნა ზეცით მონაბერითა,
ჩვენ, კაცთა, მოგეცა ქვეყანა, გვაქვს უთვალავი ფერითა,
მისგან არს ყოელი ხელმწიფე სახითა მის მიერითა (1).

მართალია, სტროფი შესაქმნის ბიბლიურ მსოფლხედვას ასახავს, მაგრამ, ამასთანავე, ისიც ფაქტია, რომ იგი სამყაროს მშვენიერების შეგრძნებას ამკვიდრებს. ჩანს, რომ „ირველივე ყოველივე, ყველა, ყველაფერი“ არის ადამიანისათვის შექმნილი, ხოლო მისი მრავალფეროვნება ამაღლებულის მშვენიერების შეგრძნებას ბადებს. მშვენიერების შეგრძნება კი ადამიანთან მიმართების გარეშე ვერ წარმოიდგინება.

შოთა რუსთველი ყოველი არსის მშვენიერებასა და სილამაზეს ადამიანის („ჩვენ, კაცთა“...) თვალსაზრისით განსაზღვრავს და აღიქვამს. სამყაროს მრავალფეროვნება, სისავსე და სრულქმნილება ფორმისა და შინაარსის ერთიანობას გულისხმობს. სილამაზე, მშვენიერება თავისთავად არასოდეს არ არსებობს, იგი ყოველთვის ორიენტირებულია სხვა რომელიმე დადებით ღირებულებაზე. მშვენიერება, სილა-

² „ვეფხისტყაოსნის“ ტექსტი დამოწმებულია შემდეგი გამოცემიდან: შოთა რუსთველი, ვეფხისტყაოსანი, I, ტექსტი ძირითადი ვარიანტებით, კომენტარებით და ლექსიკონითურთ, ა. შანიძისა და ა. ბარამიძის რედაქციით. თბ., 1966.

მაზე სხვა ღირებულებებს ეფუძნება, ვინაიდან იგი დადებით ღირებულებათა აღმქმელი გრძნობადი არსისთვისაა დამახასიათებელი.

„ვეფხისტყაოსანში“ ორსავე სოფელს ამკობს ამაღლებულობის მშვენიერება. სამყაროს შემოქმედი ღმერთი ამაღლებულისა და მშვენიერის შემოქმედია, ე.ი. ესთეგია; აქედან გამომდინარე, ღვთაებრიობა გაესთეგირებულია, რაც წინარე ქრისტიანული ლიტერატურული ტრადიციებისაგან არ განასხვავებს რუსთველურ სააზროვნო ესთეგიურ სისტემას (იხ. ნეტარი ავგუსტინეს თხზულებები, განსაკუთრებით „ალსარებანი“).

ღმერთმა ადამიანი ყველა იმ თვისებით დააჯილდოვა, რაც თავად აქვს; მან ხომ ადამიანი, მისი პირველსახე შექმნა თავისი სახისა და ხატის მსგავსად: „და თქვა ღმერთმან: ვქმნეთ ხატისაებრ ჩვენისა და მსგავსებისაებრ... და შექმნა ღმერთმან კაცი სახელ თვისად და ხატად ღმრთისა შექმნა იგი“ (შეს. 1,26-27).

ამიგომ ადამიანსაც მიანიჭა მშვენიერების შეგრძნება, ე.ი. ადამიანი ესთეგად შექმნა. მშვენიერება არსებობს შინაგანი (pulchrum) და გარეგანი (decorum). ქრისტიანული მოძღვრება ორივეს აღიარებს, მაგრამ უპირატესობას შინაგან, სულიერ სილაშაზეს და მშვენიერებას უნიჭება. რუსთველის სამყარო შინაგანადაც და გარეგულადაც მშვენიერია, ლამაზია, „უთვალაუი ფერთაა“ შემკული.

„ვეფხისტყაოსნის“ სამყარო, სოფელი და ზესთასოფელი, ვრცელია, მონუმენტურია. პოემის სიერცული არეალი ძალზე ფართოა, იგი ფაქტობრივად, მოიცავს მთელ კულტურულ აღმოსაქველეს: არაბეთს, ინდოეთს, ხვარაზმელთა სამეფოს, ხატაეთს (ჩინეთს); ლექსიკის გათვალისწინებით, გამონაგონი ქვეყნებიც – მულაბანზარი, გულანშარო, ქაჯეთი – ამავე არეალშია საგულევებელი. სიერცული მონუმენტურობა რენესანსის თვისებაა. პოემის გმირები მთელ ამ უზარმაზარ სიერცეს გადასერავენ დასახული მიზნის მისაღწევად. ისიც უნდა გაეხსენოთ, რომ თვით შოთა რუსთველმა ეპოსს, დიდი ეპიკური ტილოს შექმნას მიანიჭა უპირატესობა, რაც ეპოქის მოთხოვნილება იყო. „ვეფხისტყაოსნის“ შექმნას ხომ წინ უძღვის მონუმენტური ტაძრების აგება, მონუმენტური ციხე-ქალაქების აღმენება, მონუმენტური ფერწერის განვითარება. ეს ის ეპოქაა, როცა უცხო სამყაროსადმი ინტერესი იზრდება იმის გამო, რომ ადამიანი სრულყოფილებასა და თვითგამოხატვას მიესწრაფვის, ამიგომ მისი თვალსაწიერიც უნდა გაფართოვდეს.

შოთა რუსთველი სვამს კითხვებს: რა ხდება მიწიერ საუფლოში, სოფელში და რატომ მიილტვიან მისი გმირები ზესთასოფლისაკენ, ანუ რუსთველურად „მუნ“?

ზესთასოფელში სულთა ჰარმონიული თანაარსებობაა, უანგარობაა, უფრო ზუსტად, უანგარო ინტერესია უცხო არსებობისადმი, ხოლო

გესთასოფლად არსებობა უცხოა. გესთასოფლად არაბიოლოგიური ცხოვრების უსაზღვრობაა, უკიდევანობაა, სულიერი ცხოვრების აბსოლუტური სისრულეა. სწორედ ეს ბადებს ადამიანში ამაღლებულობისა და ზეციური სილამაზის, მშვენიერების შეგრძნებას. გესთასოფელში წინააღმდეგობრიობა მოხსნილია, მხოლოდ კეთილი ყოფაა, ე.ი. ზნეობრივი სიკეთეა, მშვენიერებაა, რაც საკუთარ სულში თავისუფლების, ძლიერების, ჭეშმარიტების დამკვიდრებით უნდა გამოვლინდეს. „აქა გაყრილნი მიჯნურნი მუნამცა შევიყარენით“ (833); „მუნა გნახო, მადვე გსახო“ (1305);

სოფელში ადამიანის უმაღლესი ღირებულება პიროვნულობაა, ინდივიდუალურობაა. „ვეფხისტყაოსნის“ პერსონაჟები გამოკვეთილი ინდივიდები არიან, რომლებიც, სულიერებით გამორჩეულნი და ამაღლებულნი არიან, საკუთარი „მეს“ (ego) ძიებისაკენ, თვითშემეცნებისაკენ ურთულეს გზას გაივლიან. მათ უნდა აღმოაჩინონ საკუთარი თავი, რაც ანტიკურ, კერძოდ, სოკრატულ სიბრძნეს უკავშირდება: „შეიცან თავი შენი!“ „ვეფხისტყაოსანში“ იგი გამოხატულია ავთანდილის ბრძნული გამონათქვამით: „თავისის ცნობისაგან ჩაეარდების კაცი ჭირსა“ (876). ადამიანში არის ანგელოზური და კაცობრივი საწყისები; რენესანსული გააზრებით, ადამიანმა საკუთარ თავში ანგელოზური საწყისები კაცობრივის გზით უნდა მოიძიოს. ამიტომ ადამიანმა – პიროვნებამ, ადამიანმა – ინდივიდმა, რუსთველის ადამიანმა საკუთარ თავში უნდა იპოვოს ტრაგიზმის დაძლევის ძალა. „ვეფხისტყაოსანში“ განჯვაც გაესთეგირებულია, რასაც პოემის სახელწოდების მრავალმხრივობაც ადასტურებს. იგი გაიაზრება ლიტერატურულ-ესთეტიკურად, დროსიერცული პოეტიკის მიხედვით, რელიგიურად, სოციალურად, პოლიტიკურად, ზნეობრივ-ეთიკურად, იდეოლოგიურად.

„ვეფხისტყაოსანში“ მთავარ პერსონაჟთა ქმედების უმთავრესი მიზანი დაკარგული ჰარმონიის ძიება, მოპოვება და დამკვიდრებაა, საღვთო და გარეშე სიბრძნის მორიგებაა, მშვენიერების, სილამაზის მოსაპოვებლად ბრძოლაა, რომელიც, აქედან გამომდინარე, კმაყოფილებისა და სიამოვნების მომგვრელია, ვინაიდან სულიერი მშვენიერებით ამაღლებული განცდა მიუძღვით განმღრთობისაკენ. რუსთველის ესთეტიკური მრწამსი რამდენიმე უმნიშვნელოვანეს ფაქტორს ემყარება: უპირველესად რუსთველური სამყარო ამაღლებულობის მშვენიერებით ხასიათდება, ვინაიდან უზენაესმა არსებამ, შემოქმედმა ღმერთმა სამყარო მშვენიერად შექმნა, რაც თავისთავად ღვთაებრიობის გაესთეგირებას მოწმობს, ღმერთის მშვენიერების შეგრძნებამ კი ადამიანს ახალი გზა უჩვენა: „მაგრა ღმერთი არ გასწირავს კაცსა, შენგან განაწირსა“ (952). ესეცაა, რუსთველი ადამიანის ცდას ანიჭებს უდიდეს მნიშვნელობას: „ბედი ცდაა, გამარჯვება, ღმერთსა

უნდეს, მო-ცა-გხედების“ (904). ესაა ადამიანის თვითსრულყოფისაკენ მიმავალი გზა, რენესანსული გზა, რომელიც სამყაროს განახლებისათვის მცდელობასა და გარჯას მოითხოვს. სწორედ ამიტომ „ვეფხისტყაოსანში“ წარმოჩნდება, ერთის მხრივ, სამყაროს იერარქიულობა, რომელშიც, უთუოდ იგულისხმება წარმმართველი და დაქვემდებარებული, ხოლო, მეორეს მხრივ, საფეხურებრივი განვითარება, რითაც ირგვლივ და ყველაფერში პარმონიულობა მიიღწევა. ამისთვის აუცილებელია ადამიანში სულიერი სისრულის თვითშეგნების ჩამოყალიბება, მნეობრივი ორიენტირის განსაზღვრა, ყოველგვარ განცდათა – მწუხარების, სიხარულის – საკუთარი ნებელობისადმი დაქვემდებარება.

„ვეფხისტყაოსანში“ ადამიანის გარდასახვის, ადამიანში პიროვნების გამოღვიძებისა და აღორძინების იდეას ახალი თაობა აყენებს: ნესტან-დარეჯანი და გარიელი, თინათინი და აფთანდილი. რუსთველმა პოემაში წინა პლანზე დააყენა არა მეფის ასულის ან მეფის ძის, არამედ პიროვნების, ადამიანი – ინდივიდის ინტერესები. ამით ის მკვეთრად განსხვავდება წინარე ლიტერატურული აზროვნებისაგან. „ვეფხისტყაოსანში“ ძველი თაობა პიროვნულს, ინდივიდუალურს უკავს არ მიაგებს, რის გამოც ჭიდილი აქვს ახალ თაობასთან. განსაკუთრებით საგრძნობი ეს ინდოეთშია, რომელიც აეგორის მიერ მომავალში მოწესრიგებულ ქვეყნად არის მოაზრებული, იგი პარმონიულ ქვეყნად უნდა ჩამოყალიბდეს. პირველი ნაბიჯი ინდოეთის პარმონიულობის მისაღწევად, მის მოსაწესრიგებლად ძველი თაობის წარმომადგენელმა სარიდანმა გადადგა და თავისი მეშვიდე სამეფო უარსადანის ექვს სამეფოს შეუერთა, მაგრამ პარმონია ვერ დამკვიდრდა, ინდოეთის სულიერი სამყარო ვერ გამთლიანდა, ინდოეთი ვერ გამშვენიერდა. დაისმის კითხვა: რატომ? პასუხი ნათელია: ძველ თაობას არ ძალუძს სრულყოფილი პარმონიის დამკვიდრება, ვინაიდან სტერეოტიპებს ვერ ამსხვრევს. ახლებური აზროვნებაა საამისოდ საჭირო, ეს ახალი აზროვნება კი ახალი თაობის პრეროგატივაა. მართალია, სარიდანი პროგრესულად მოაზროვნეა, მაგრამ მას, როგორც ძველი თაობის წარმომადგენელს, რაღაც აკლია და ეს რაღაც სიახლის მოთხოვნილებაა, სიახლის სიღრმისეული შეგრძნებაა, ადამიანის პიროვნულობის შეგნებაა. ამ სიახლეს ახალი თაობა მთელი არსებით შეიგრძნობს, შეიმეცნებს; მათ იგი ბრძოლით უნდა დაიმკვიდრონ. მათ იციან, რომ ბედნიერების მოსაპოვებლად დაუსრულებელი ხანგრძლივი ბრძოლაა საჭირო. ცხადია, ბრძოლა შიგადაშიგ სისხლის ღვრასა და გარკვეულ დათმობებს მოითხოვს, ზოგჯერ საჩოთირო საქციელსაც ჩაადენინებს. „ვეფხისტყაოსნის“ გმირები იმთავითვე სრულყოფილ, პარმონიულ პიროვნებებად კი არ გვევლინებიან, არამედ ხანგრძლივი დროის განმავლობაში ცხოვრებისეული წინააღმდეგო-

ბების გადალახვის შემდეგ აღწევენ სულიერ სრულყოფას, მნეობრივ ამაღლებას; შინაგანი მშენიერებისა და ამაღლებულობის შეგრძნების საფუძველი ერთბაშად არ მკვიდრდება, თანდათანობით მზადდება. გარიელი და აეთანდილი არღვევენ ღვთისაგან ბოძებულ მცნებებს, რომელთა დაცვა ადამიანის მნეობრივი სახის მაჩვენებელია. ეს იმას ნიშნავს, რომ ისინი აბსოლუტურად სრულყოფილნი არ არიან. თვით შოთა რუსთველი თავის საყვარელ პერსონაჟებს დადებითი და უარყოფითი თვისებებითა და ქცევებით წარმოაჩენს. ორსავე შემთხვევაში ისინი შინაგან თავისუფლებას გამოხატავენ; გარიელის მიერ ხვარაზმშას ძის მოკელა პიროვნების თავისუფლების, ინდივიდის პიროვნულობის გამოხატულებაა; ასევეა ნესტან-დარეჯანიც, გარიელის შთამავონებელი ყოველ საქმეში. მათი ამბოსი ფარსადანის წინააღმდეგ ახალი თაობის ამხედრებაა და ბრძოლა ძველი თაობის აწ უკვე მიუღებელი, მოძველებული ტრადიციების წინააღმდეგ. ისიც საგულისხმოა, რომ გარიელს უმძიმს ხვარაზმშას ძის მოკელა, რაც მის შინაგან ბუნებაში, საკუთარ სულიერ სამყაროში ჭილილს მიანიშნებს. ცხადია. ეს მას ამშვენებს, ფსიქოლოგიზმით გვირთავს. ასეთივეა აეთანდილიც. გულანშაროში იგი არჩევანის წინაშე იყო: ან უნდა დაეტოვებინა ზღვათა სამეფო ან ჭაშნაგირი უნდა მოეკლა. პიროვნების თავისუფალი ნება მეღაენდება მის არჩევანში. ორივეჯერ ირღვევა უმაღლესი არისტოკრატიული წრის მნეობრივი ეტიკეტი, არც ერთი გმირი რაინდი არ თაკილობს არარაინდულ საქციელს. საუკუნეთა მანძილზე ჰაგიოგრაფიაში შემუშავებული პრინციპების კვალობაზე აღქმული იდეალური გმირის გაგება რუსთველის პოემაში ტრანსფორმაციას განიცდის, იცვლება იდეალისადმი დამოკიდებულება. „ვეფხისტყაოსანში“ იდეალურობის პრობლემა, წინარე ლიტერატურული ტრადიციებისაგან განსხვავებით, ეპოქის ლიტერატურულ მოთხოვნილებათა კვალობაზე სხვაგვარად დგას; ეს სხვაგვარობა რენესანსულია. პოემის გმირები ღვთაებრივი განგების გვერდით ბედის არსებობას აღიარებენ, რაც ქრისტიანული რელიგიისათვის მიუღებელია, შუა საუკუნეების ესთეტიკისათვის უცხოა. მაგრამ „ვეფხისტყაოსანში“ ბედი, ანტიკური მითოლოგიისა და ლიტერატურის ბედისწერისაგან განსხვავებით, ცვალებადია და იგი წუთისოფლისეულია (სიახლოვეს ქართულ ფოლკლორთან ამჟღავნებს), რასაც ადასტურებს აეთანდილის მიმართვა ღმერთისადმი:

იგყვის: „ჰე მზეო, ვინ ხატად გთქვეს მზიანისა ღამისად,
ერთ-არსებისა ერთისა, მის უეამოსა ჟამისად,
ვის გმორჩილებენ ციერნი ერთის იოგის წამისად,
ბელსა ნუ მიქცევ, მიაჯე, შეყრამლის ჩემად და მისად!“ (837).

ბედის კონცეფციის აღორძინება „ვეფხისტყაოსანში“ რენესანსულია. ასევე რენესანსულია ასტროლოგიის აღორძინებაც, რომელთა კვლევა ამჟერად ჩვენი მიზანი არ არის. ვიტყვიტ მხოლოდ იმას, რომ „ვეფხისტყაოსნის“ პერსონაჟების ცხოვრებისეული ფილოსოფია გამოიხატება იმ ძალისხმევაში, რომლის მიზანია ბედისწერის წინააღმდეგ ბრძოლა და გამარჯვება, ძიება და მოპოვება, რაც ღვთაებრივი განგების გამოცნობით მიიღწევა, ხოლო რუსთველის ამრით, განგების აღსრულება მშვენიერებაა, ვინაიდან მას ყოველთვის სიკეთე უღევს საფუძვლად. „ვეფხისტყაოსნის“ გმირებს, მათ სულიერ სამყაროს სიყვარული აღამაღლებთ, აღამაღებთ და ამშვენიერებთ, რაც მათ ესთეგურად წარადგენს მკითხველის წინაშე. მათივე ამაღლებულობა, სილამაღე და მშვენიერებაა სხვათათვის გარჯა, სხვათა ბედნიერების, სხვათა სიყვარულის გასამარჯვებლად ცდაა. ასე, რომ ესთეგიური და ეთიკური შეზაეებულია, ხოლო ეთიკური, თავის მხრივ, გამშვენიერებულია.

„ვეფხისტყაოსანში“ სამყარო მთლიანია, აღამიანი მისი ნაწილია. აღამიანში სულიერის, მშვენიერისა და სხეულებრივის (πνεῦμα, ψυχή, σῶμα) ერთიანობა, შერწყმა – შეზაეება ბაღებს მშვენიერებას, სილამაღეს. რუსთველის პერსონაჟები საკუთარ თავში განაეითარებენ სამყაროს მთლიანობის შეგრძნებას, რომელშიც აღამიანი – პიროვნება მიკროკოსმოსია. ღმერთის მიერ შექმნილ მშვენიერ სამყაროში გრაგიკულიც მშვენიერად აღიქმება, თუ იგი პიროვნება-ინდივიდის გრაგეღიაა. ისევე როგორც ბედნიერებაა რჩეულთა ხვეღრი, ასევე გრაგიკულობაც რჩეულთა ხვეღრია, რაც მშვენიერებითა და ამაღლებულობით გამოარჩევს პიროვნებას. გრაგიკულის მშვენიერებად აღქმა რენესანსმა მოიგანა, ვინაიდან აღამიანური გრძნობა ყოველთვის მშვენიერია. მანვე დაამკვიღრა გონების კულტი: ყოველივე ამით გამშვენიერებულნი არიან „ვეფხისტყაოსნის“ პერსონაჟები.

„ვეფხისტყაოსნის“ მხატვრულ ქსოვილში უმთაერესია ქმეღება, შინაგანი მოქმეღება, ე.ი. ის, რაც გმირთა ცნობიერებით ხღება. სწორედ აქ შეიგრძნობა ღიღი სიახლე, რაც საოცარი, მრავლისმომცეელი მეგაფორული ამროვნებით წარმოისახა პოემაში:

„მოწურიღ იყო ზაფხული, ქვეყნით ამოსღვა მწვანისა,
ვარღის ფურცლობის ნიშანი, ღრო მათის პაემანისა,
ეღლის ცვაღება მზისაგან, შეჯღომა სარაგანისა,
სულთქენა, რა ნახა ყვაეიღი მან, უნახავმან ხანისა (1328).

„ეღლის ცვაღება მზისაგან, შეჯღომა სარაგანისა“ ეპოქის ცვლას მოასწავებს, ძველი იცვღება ახლით, გრაღიციულზე ღამყარებული ახალი პარმონია მყარღება. მხატვრული ამრის ამგვარად გამოხატვა, ზოღიაქოს ნიშნებზე აქცენტირება რენესანსულია.

ამრიგად, „ვეფხისტყაოსნის“ მთლიანი, მონოლითური სამყარო, შემკული „უთვალავი ფერით“, მშვენიერია, ვინაიდან იგი სრულყოფილია, სრულქმნილია. მისი ყოველი ნაწილი ღმერთმა, უზენაესმა არსებამ მშვენიერად შექმნა. ლამაზი, მშვენიერი სამყაროს გვირგვინი ადამიანია, რომელიც, მაკროსამყაროს ღარად, ეითარცა მიკროკოსმოსი, „უთვალავი ფერთაა“ შემკული. სამყარო და ადამიანი ცვალებადია, განახლებადია, მოძრავია, სხვაგვარად ისინი მრავალფეროვნებას მოაკლდებოდნენ. სამყაროს შექმნისა და მისი იერარქიულობის ღვთაებრივი ჩანაფიქრი მოწესრიგებულია, სისტემურია, მარადიული და უწყვეტია, „უეამო ეამია“, რაც აბსოლუტური სრულქმნილების საფუძველს ქმნის. სამყაროს ყოველი ნაწილი, ყოველი ელემენტი პარმონიულად უკაემირდება მთელს, რაც სისრულეს, ამაღლებულობას, მშვენიერებას წარმოშობს. „ვეფხისტყაოსნის“ პერსონაჟები სამყაროსა და მის ნაწილებს, რუსთველურად: „ერთსა“ და „ასს“, მშვენიერად აღიქვამენ, მათში სიახლეს ეძიებენ, შეიგრძნობენ და თავს მიიჩნევენ ღმერთის მსახურ რაინდებად (ავთანდილი: „თულა დაერჩე, გმსახურებდე“... 813), რაც მომხიბვლელობასა და შინაგან სულიერ სილამაზეს ქმნის. ისინი საკუთარი პიროვნების, პიროვნული ღირსების, ინდივიდუალობის დამკვიდრებას ლამობენ და სწორედ ამ პროცესით, ქმედებით, დინამიურობით მშვენიერდებიან. ყურადღების ცენტრში ექცევიან პიროვნებები, რომლებიც ცვლიან, გარდაქმნიან მთელ საზოგადოებას, ვინაიდან საზოგადოება თავისთავად პიროვნებათა, ინდივიდთა ერთიანობაა. რუსთველის ადამიანი არის მიკროსამყარო, ხოლო სამყარო – მაკროადამიანი. ამიგომაა რუსთველური მხატვრული ამროვნება რენესანსული, ხოლო ამ მხატვრული ამროვნების ნაყოფი – „ვეფხისტყაოსანი“ – მარადიული მშვენიერებით შემკული ინდივიდი შემოქმედის სულიერი და ინტელექტუალური სამყარო.

Nestan Sulava

Renaissance Conception of World Beauty in “Vepkhistkaosani”

In Shota Rustaveli's poem “The Knight in the Panther's Skin” (“Vepkhistkaosani”) the entire world is beautiful because it is perfect, ideal. Each part of it was created by the Lord as beautiful. The crown of this beautiful world is a man who like the macro world is adorned with

precious stones. The universe and the human are changeable, innovative, moveable, otherwise they would not be included in the diversity. The divine idea of the creation and its hierarchy of the universe is ordered, it is systematic, eternal and constant. Each part, element of the universe is harmonically linked with the whole, which creates completeness and beauty. The characters of "Vepkhistkaosani" perceive the universe and its parts as beautiful, they look for anything new in it, find, perceive it and consider themselves as the knights of the god which gives them appeal and inner spiritual beauty. They try to reach their personal dignity, individuality and by this process, action, motion become beautiful. In the centre of attention there are the persons who change the whole society because the society itself is the entity of people, individuals. Rustaveli's human is micro world and the world is the macro world. This is why Rustaveli's artistic thinking is Renaissance and the result of this thinking-"Vepkhistkaosani" and its individual spiritual-intellectual world is adorned by eternal beauty.